



Las differentas propostas per l'iniziativa da linguas chaschunan irritaziuns en Chasa Rumantscha.

Ina terza proposta procura per irritaziuns tar la LR

Ina nova proposta da deputada Martha Widmer-Spreiter (pbd Cuira)

DA MARTIN CABALZAR

■ **En connex cun las duas iniciativas da linguas che vegnan tractadas l'emna proxima en il cussegl grond procura ina terza varianta lantschada da deputada Martha Widmer-Spreiter (pbd Cuira) per intgina irritaziun.** Or dals circuls dals iniziants vegn schizunt la proposta da spustar la votaziun per discutir pli detagliadamain questa nova proposta. La proposta Widmer preveda ina model immersiv biling rumantsch-tudestg per il territori rumantsch, respectiv in model talian-tudestg per il territori talian e quai a partir da l'emprima classa. Tenor quest model emprendessan ils scolars da tut las trais regiuns linguisticas a partir da la 5avla classa obligatoricamain l'englais. La scola tudestga purschess tenor questa proposta rumantsch u talian sco rom facultativ a partir da la terza classa primara.

Mo ina lingua estra en scola primara
Cun questa proposta reprenda deputada Martha Widmer-Spreiter che appartene

gna er a la cumissiun da furmazion e cultura la pretensiun principala dals iniziants che vulan mo ina lingua estra en scola primara.

La spustada da la decisiun saja impurtanta per pudair examinar pli da rudien la nova proposta. Tenor Widmer evitasia questa proposta ina discriminaziun da las linguas minoritaras da noss chantun.

La Lia Rumantscha e pauc intgantada

Sin dumonda da La Quotidiana s'exprima la Lia Rumantscha criticamain envers questa proposta. In model biling immersiv per tut las scolas rumantschas fiss – tenor il pledader da medias da la LR *Andreas Gabriel* – ina midada fundamentala dal sistem d'instrucziun actual.

Era cun spustar il termin da votaziun davart l'iniziativa n'èsi tenor Gabriel betg realistic da pudair discutir a fund ina тала midada dil sistem sut squitsch da l'iniziativa. Cler è èsi tenor Gabel ch'il rumantsch perdess en cumparegliaziun cun oz sch'in model immersiv biling vegniss

introducì d'in mument sin l'auter en l'entir territori rumantsch. Per las scolas talianas giuditgescha la LR la proposta sco strusch realisabla. Tenor la LR avess la proposta Widmer en pli ina schletta influenza sin la chapientscha vicendaivla tranter e per las gruppas linguisticas er en il Grischun.

La Lia Rumantscha cumbatta l'iniziativa da mo ina lingua estra en scola primara or dals motivs suandants: Las minoritads linguisticas da noss chantun fissan cleramain dischavantagiadas, il talian anc dapli ch'il rumantsch. Ils custs e las difficultads organisatoricas fissan in bun tant pli auts che quai ch'igl è vegnì preschentà oriundamain e che quellas ch'èn cuntegnidas en il messadi. Ella sforza la scola grischuna da far ina ulteriura midada suenter mo paucs onns. Ina midada dal sistem actual avessia per consequenza che la scola grischuna daventass in'exta en la cuntrada da furmazion da la Svizra. Sco quai ch'il parsura da la LR *Johannes Flury* è s'exprimì dacurt ad ina conferenza da medias organisada cuminaivlamain cun la PGI.